

Ծանոթ. Մնացածի վերջին երկու տողերի ծալրերի մասերը կոտրված են, վերջին տողերը չկան: Դժագրում անճշտություններ կան (խմբ.):

Լուսանկ. 77

282 ԵԿԵՂԵՑՈՒ արևմտյան պատի հյուսիսային վերին մասում, արտաքուստ, երկու քարերի վրա 9 տող.

ԹԻՒՆ ՈՂԸ
ԻԺԱՄԱՆԱԿՍԻԹԱԹԱՐԻՆԻՆ
ԻՐՈՒԹԵՄԵԾԻԱՂԱՐԱՐԱԲԱ
ԳԻՆԻՊԱՐՈՆՈՒԹԵԳՐԻԳՈՐՈյ
ԵՍՐ ՆԵՐՍԱՅՍԵԻԱԿՈՐԲ

ԵՒՓԱԽՉԱՆՀԻՆԵՅԱ
ԳԶԵԿԵՂԵՅԻՍՅԻՇԱՄԱԿԿ
ԵԶԵՆՈՂԱՅՄԵՐՈՅՈՎ
ԱՀԻԱՄԵԼԵԱԾ ՈՂՈՐՄԻ

ԹԻՒՆ : ՈՂԸ: (1249) | Ի ԺԱՄԱՆԱԿՍ ԹԱԹԱՐԻՆ, Ի ՏԻՐՈՒԹԵՄԵԾ ԽԱՂԱՂԱՐԱՐ ԱԻԱԳԻՆ, Ի ՊԱՐՈՆՈՒԹԵ ԳՐԻԳՈՐՈՅ, ԵՍ ՏՐ. ՆԵՐՍԱՅՍ ԵՒ ԱԿՈՐՈՐ ԵՒ ՓԱԽԶԱՆ ՇԻՆԵՑԱԿ ԶԵԿԵՂԵՑԻՍ, ՅԻՇԱՏԱԿ ՄԵԶ ԵՒ ԾՆՈՂԱՑ ՄԵՐՈՑ. ՈՎ | ԱՇԽԱՏԵԱԼ Ե ԱԾ. ՈՂՈՐՄԻ:

Լուսանկ. 76

16. ԿՈՒՍԱՊԱՏ ԳՅՈՒՂ, ՀԻՆ ՄՈՒՐԱԹԱՂ ԳՅՈՒՂԱՏԵՂ ԵՎ ԻՆՆ ՄԱՍ ԱՆԱՊԱՏ

Կուսապա գյուղում եղել է սբ. Աստվածածին անունով եկեղեցի, որի պատերի մեջ դրված են հին խաչքարեր և տապանաքարեր: Եկեղեցին ալժամ գոյություն չունի, երկու արձանագրությունն առնում ենք Բարխուդարյանցից: Զալալանցը նշում է, որ շինված է եղել ՌՃԼԵ: (1686) թ.¹:

Հին Մոխրաթաղ գյուղատեղ, գտնվում է Կուսապա գյուղից հյուսիս՝ մի բարձրադիր հարթության վրա, որի երկու կողմում խոր ձորեր են: XIX դարում գյուղը տեղափոխել են ներքև՝ դաշտավայրը: Գյուղի տների հետքերը բոլորովին հարթվել են, կանգուն և կիսավեր վիճակում մնում են ինն մաս անապատը և Մելիք Իսրայելյանների ապարանքը:

Իճճ մաս անապատը գտնվում է գյուղատեղի հարավային եզրին, ձորաբերանի մոտ. թաղակապ հասարակ շենք է: Պատերին եղած երկու արձանագրությունը հայտնում են, որ այն շինվել է 1881 թ., իսկ սեղանը 1884 թ. (դրանք չենք վերցնում), բայց ինչպես շենքի կառուցման ձևերը, այնպես էլ շուրջը եղած տապանաքարերն ու նրանց տապանագրերն ապացուցում են, որ XIX դարում մեծ նորոգումներ են կատարվել միայն:

Մելիք Իսրայելյանների ապարանքը գտնվում է անապատից մոտ 200 մետր հեռու. պարսպափակ մի ընդարձակ տարածություն է, բազմաթիվ կանգուն և կիսավեր շենքերի մնացորդներով: Պարսպին կից գրեթե ամբողջական վիճակում մնում են 3—4 մեծ դահլիճներ՝ թաղածածկ և սրբատաշ քարով, ներսից պատերի մեջ կան խորշեր և դարակներ՝ տնային իրերի համար: Դրանք քաղաքացիական ճարտարապետության լավագույն նմուշներ են և արժանի հատուկ ուսումնասիրության: Հնում այդ շենքերից երկուսի մուտքերի վրա եղել են արձանագրություններ, որոնք ալժամ քանդված են, առնում ենք Բարխուդարյանցից:

¹ Զալալանց, I, 180: